

禮

記

思

禮記思卷之四

喪大記

明東海弗如趙

門人

義生張若獬

較

振子張若麒

疾病外內

節 總論

一部喪禮儀注文公家禮祖諸此夫人當疾革死喪之際時
速勢迫人雜事叢舉動易至廢亂孝子惟有哀迷故制為復
沐含歛哭踊之節男女各以類相從執事各以次相守不惟

禮記卷之四
送死者得以盡其誠信。而死者亦得以正其考終制。爲弔臨。祝拜殯葬之文。賓主各循其位。貴賤各安其等。不惟禮節極其詳明。而孝子亦得以節其哀毀。此先王重其事而大爲之記也。周官以喪禮哀死亡。孟子亦曰。唯送死足以當大事。爲人子者。何可以不讀是篇。

小臣復復

節

死者不可以復生。萬物自然之理。而又必爲之復。聖人制此。豈虛禮哉。亦以禮義之經。非從天降也。非從地出也。人情而已矣。孝子之情。苟可以生死而骨肉者。無不爲已。况於萬一。

有復生之道。何憚而不設此禮。以致其哀痛迫切。徬徨無聊之至情耶。

大夫之喪

節

倉皇哀亂之時。喪次直如此嚴而有辨。承衾而哭四字。又直說得親切淒涼。

君喪虞人

節

代哭之禮。似屬修文。情至則哀。哀至則哭。又何必代。此蓋爲國喪奔走執事。不得與于朝夕哭踊之位者言也。

共無女主

節

曰無無主。則亦必有所以爲之後者。

管人汲不

節

凡此等事。不惟孝子哀迷中不暇爲此。然亦不忍爲。故付之百執事者。然亦須先事而備。習知其數。方可臨時不誤。

君之喪子

節

食之無筭者。不爲勸侑之節也。如天子一食。諸侯再。大夫士三之類。

既葬主人

節

先食乾肉。先飲醴酒者。不忍遽忘其哀。而遂爲之。放飯流歎。

也

既葬若君

節

此即近人七七後百日後為孝子開葷之禮。

君將大歛

節

小歛大歛，件件停當。此所謂附于身者，必誠必信，勿之有悔焉耳。

君大夫馮

節

總言之皆謂之馮尸，分言之則有馮奉、撫、拘、執、五者之異言。馮若與死者相依也。言撫則猶育之也。言執若不能捨也。言

奉若舅姑在焉。拘之婦人從一若猶有所拘然也。

既練居堊

節

既練君謀國政異乎既葬之不言國事矣。大夫士謀家事異乎既葬之不言家事矣。或言政或言事者主在上則曰政兼在下則曰事。

禫而從御

節

下句解上句。不是兩事。

君於大夫

節

小歛在先。大歛在後。喪事以哀為敬。故大歛而往者。弔禮之

常小歛卽往者特恩之賜也。

夫人弔於

節

君於外。內婦旣殯往。夫人于大夫士之家亦往弔之。然則弔內子士妻之禮亦在其中矣。主人迎而先入門。右夫人升而自阼階待。夫人猶待君也。主婦拜稽顙于下。執妾禮。猶臣禮也。夫人之行世子實從之。世子視祝而踊。夫人則視世子而踊也。退則送于門外。婦人迎送不下堂。而特至門者爲所尊變也。其來也。主人迎于門外。送亦如之。代主婦而伸敬也。門外者。男子之所有事。婦人迎送不出門。雖對所尊而不敢變。

也古之君臣猶一體也。頭目手足疾痛慘楚彼此無不相應。君臣猶一家也。父兄子弟吉凶休戚上下無不相關。視之如一體。故疾則君三問再問。喪則君或撫或踊。真若吾手足之虧折焉。視之如一家。故君喪則大夫士位乎東。世婦士妻位乎西。不翅父兄之痛也。及臣之有故則君視之。夫人視之。世子視之。真若子弟之失亡焉。然諸婦之至君所。惟喪祭爲然。詩曰。諸宰君婦廢徹不進。諸信并問疾弔喪。則不入諸臣之家。夫人之行必與世子偕。其動也亦不苟矣。

君裏棺用

節

此所謂附于棺者。必誠必信。勿之有悔焉耳。

凡封用紼

節

至于死而生之事畢。至于葬而死之事畢。至于封而葬之事畢。自歛殯以至葬封。古人禮制。有一事一物不周。詳盡慎否。然此皆謂天子諸侯耳。夫子不曰。歛手足形。還棺而封。人豈有非之者哉。

祭法

祭法有虞

節

雖所立所配有不同。總是祖功宗德不敢忘。則尊祖敬宗不容已。此帝王所不可變。古今未之有改也。故以爲祭法。郊。鯀處劉青田辨之甚詳。至謂一私其父而逆于舜。又逆于天。天其弗享。夏后氏之郊矣。禹聖人也。而敢爲是哉。亦自辭嚴義正。但旣著爲經。縱出漢儒之附會。畢竟不當尊傳而當尊經也。此說詩信書者之在人善讀可耳。

埋少牢於

節

祭不一其地。不一其物。不一其時。皆是法處。法者垂爲祭祀之常經。亦各有隨在而取義意。

大凡生於

節

不變更立。正是法。

天下有王

節

親疎多少之數。正是法。

是故王立

節

以下九節。正所謂親疎多少之數。亦正見其爲法。

夫聖王之

節

通重民上。天之立君。以爲民也。故先王制祭祀。亦止報其有功德于民者。雖冒下意。不必分屬。

共工氏之

節

天下九州無一不爲民也。

鯀鄣鴻水

節

雖殛死。亦是以死勤事。

文王以文

節

文治就他那發政施仁上說。如治岐之政是也。武功就他那除殘去暴上說。如牧野之師是也。其當文而文。當武而武。亦

時爲之也。

及夫日月

節

節節民宇。俱當着眼。

祭義

祭不欲數

節

兩履之處。有反躬實踐。身體力行之妙。悽愴怵惕四字。讀之惻然心動。非其寒一句。更自凄絕。要知數也無是心。疏也無是心。煩也無是心。怠也無是心。不敬也無是心。忘也無是心。樂字從怵惕看出。乃哀之極也。來從如將見之看出。疏意云。霜露既降。萬物感陰氣以供死。而祖考之神。若與之俱往云云。看合天道處。亦自好。

致齊於內

節

志意如何思。思到此則血氣脈臟都非我有矣。看他許多思想。只要求得一箇見字。見其所爲齊者。見其居處笑語等也。

祭之日入

節

見與聞俱從無形無聲中。恍若有形有聲。曰儼然肅然凜然。又是有形有聲時。還歸無形無聲。容聲二字甚妙。聲若在容也。歎息之聲。親亦以幽明之隔爲恨也。描寫到此全是神氣。往來不可測識。不可思議。儼然等俱就親說。只以想像形容得之。

是故先王

節

不忘不絕。就平日說。此卽是愛與敬意。此已有存與著意。但
未到齊之日。祭之日。尚在不可見之中。一遇齊祭。而致其愛。
則無不存。致其敬。則無不著。致者精專純一。舉吾心而致之。
冥漠以交乎神也。存卽上見所爲齊節。著卽上儼然節。著存
不忘句。又翻色不忘三句。敬兼愛。慈看前五思。想到親身上
去。只是追慕。這一思直想到自己身上來。便是全歸的工夫。
這一思是前五思的張本。

君子有終

節

終身承上終身來。這也便是他不辱處。觀下文文王忌日必

哀可見。

唯聖人爲

節

聖人饗帝事天如事親也。孝子饗親事親如事天也。鄉之包上三節意看齊。齊平三句正鄉之可見者。

文王之祭

節

忌日以下。反覆推明如事生兩句意。如見如欲色。正是忠處。祭之明日以下。又推明引詩之意。惟樂與哀半。安得不又從而思之。半者樂與哀合併齊流。迴環無端。如論語一則以喜一則以懼。不是截然兩念也。喜處正是懼處。樂處正是哀處。

要知逐句逐段想像他如事生如不欲生兩句意出

仲尼嘗奉

節

此與上節是舉文王仲尼正兒唯孝子爲能享親字句重疊
不見其贅牙正古人文字之妙濟濟者容也作一讀者字即
老字下句方解

孝子將祭

節

虛中者心本無事後可慮事心本無物後可具物也正收起
下面恍惚意

宮室旣修

節

孝敬之心從洞洞俯看出。至也與從如弗勝二句看出。此是從容貌以推其心也。兩奉承而進之俱屬孝子。庶者幸而不可必之意。或者疑而未敢定之辭。此正恍惚交神處。恍惚二字可言而不可象。此等志意又從虛中來。

孝子之祭

節

此節又解志意之恍惚。何以與神明交。蓋緣盡其慈焉云云。看盡字。盡其禮而不過失句。更說得精妙。這便有使賢者俯而就。不肖者跂而及意。進退必敬。總上四句。如親聽命。又狀必敬句。

孝子之祭

節

此節正言其進退必敬如親聽命則或使之也可知者卽心之無不盡而可以知其祭之無不敬也其立之也一段正祭可知處。誦也愉也欲也無一而非敬之所在故曰敬以誦云云。下固也一段反言以見孝子之祭口失之矣。孝子決不如是也。

孝子之有

節

事死事生俱要如此。此全重孝子之在深愛一句。洞洞屬屬又解如執玉二句須知如執玉數句之中俱要模寫一段深

愛意出方說得與儼威儼恪有別。總以愛而行其敬也。

先王之所

節

三段一段解一段。至孝何以近乎王。蓋孝而日至則必仁。民愛物豈不是。王者覆載胞與之分量。近者論其理也。惟孝近乎王。所以先王必以貴老教天下。而使人人有親。人人知孝。天下豈不定乎。教字正應首句治字。領字正應前句定字。教之正所以治之。領之斯足以定之矣。

子曰立愛

節

三段步步起說下去。正見所以領天下國家處立有建極之。

意。如。有。等。殺。之。分。教。字。要。看。何。嘗。諄。諄。然。命。之。而。鼓。舞。斯。民。之。意。自。在。兩。貴。字。從。上。數。貴。字。來。先。王。以。此。爲。貴。民。亦。因。其。所。貴。而。貴。之。矣。用。命。者。用。長。者。之。命。也。不。是。上。命。

郊之祭也

二節

首。節。敬。之。至。從。天。子。致。敬。于。天。而。民。因。感。化。之。亦。各。致。其。敬。故。曰。至。次。節。敬。之。至。從。天。子。身。親。其。事。而。百。官。執。事。莫。不。恪。共。乃。職。進。退。唯。謹。故。亦。曰。至。

郊之祭大

節

主日就是祭天。主日而配以月亦總是祭天。

祭日於壇

節

此節雖爲朝日夕月之禮其實言主日配月之意蓋天地間不過日月代明晝夜不息而後氣行不乖百物皆化則天地周流合同皆日月之功致和只在氣化上說不必說到物生上日出于東連下看總承上兩段而收結之幽明上下等還就日月說而陰陽自在其中

天下之禮

節

兩天下之禮見此五者是天下原有的但人不能推明其極所以不能以厚以尊以立云云耳合此五者內便有致字意

曰以治正所謂以厚以尊等。夫人鬼交修教養具舉幽明成
理和敬兼施如此方完全。還他一箇天下之禮無分毫欠缺。
無些微遺漏而天下猶有奇邪而不治者耶。對奇邪則禮爲
天經人紀萬古偷常之要道矣。

宰我曰吾

節

人生則氣魄合而爲人。死則氣魄分而爲神爲鬼。聖人見得
生存時氣與魄原不相離。今身雖死亦必合而言之曰鬼魄。
使人知其義理不涉于粗迹。名狀不墮于虛無。故曰教之至
教內有啓天下尊敬奉承之心。而息報本反始之意。此處且

漫說盡。至者可由而不可知。可思而不可議也。

衆生必死

節

此正合鬼與神之意。通節描寫出箇盛的意思來。令人毛骨
振悚。正埋伏下而畏服根子。

因物之精

節

此以下細說合見與神爲教之至。畏有禍福。唯其所命。意服
有吉凶。惟其所從意。

聖人以是

節

未足者。恐民無所依據。遵守也。故築爲宮室。云云。正是教之

至處

二端既立

節

此又就其所行之禮。一一指示他報氣報魄。總是教之至意。教民相愛三句。舊作酬酢餘說。殊覺無味。然又不能別有所解。細思當云。報魄以後事。鬼神之禮盡矣。然一味求之。竊冥恍惚而不可知。則民情反覺有支離疑畏之象。故又教之以相愛而行旅酬之禮。使情意徧及上下。大澤必及。施惠無間。這便見一體流通之意。卽人與鬼神亦不過一氣之相感召耳。故不徒曰教之至。而又曰禮之至也。此三句亦要理也。

得合鬼與神意出方見聖人制禮精妙處。

君子反古

節

首七句冒下五節看逐節俱要見致敬發情竭力從事不敢
弗盡意是以二字着眼致其敬等都從這點心來此箇敬之
至全從冕而躬親上看出此見綦盛之必潔

古者天子

節

以朝君之服而朝牲故曰敬之至以視朝之服而巡牲故曰
孝之至要知官之敬皆天子諸侯之敬有以使之也此見犧
牲之既成

古者天子

節

此節是養蠶重其事。下二節獻繭隆其禮。以人君之尊。夫人之貴。而件件事。無一不身親。無一不周到。詳審戒謹。祇慎。便可想見他。致其敬。發其情。竭方從事。以報其親。不敢弗盡也。意出。然一本于反古復始。不忘其所由生也。之一心。

歲既單矣

節

此所以爲君服與。以祀先王先公之意。卽在言表。一見而卽重其辭。自不敢忽其事。

及良日夫

節

數遂字。俱有節次。俱見慎重意。此敬之至也。一句俱要從上文逐段看出。此正古人不可及處。若今人必嫌其爲褻尊。不則必厭其爲煩勞矣。

君子曰禮

節

觀此處把主減節合作一章。則禮樂合一之旨了然矣。必得主減一節。而後治心治躬。動內動外。始不作支離岐見。此作經者大關目處。添一句而天下塞焉。正解前章舉而措之無難矣之意。易云。雷雨之動滿盈。水在雷上。雨意塞于天地之間。雨一下則塞意亡矣。惟其致故塞焉。惟其塞故舉而措之。

無難。塞是翕聚處。舉而措是發散處。

曾子曰孝

節

尊親必做天子看。不惟世上再無大孝。公明儀一問。亦復呆甚。先意承志。論父母于道。便是大孝。尊親。參直養者也。併不敢下一能字。然則能養亦不是容易。

曾子曰身

節

行父母之遺體。行字莫輕放過眼。五者是踐形的工夫。五者克盡。方完得箇體字。五者皆敬所貫。敬全在行字內做出來。已有下文。能終意在。

亨孰類齊

節

此節正發明孝在于敬。如此內已含敬在。卽國人稱願可見。孝敬之心。人人都有。一見孝子。便稱揚羨慕。則孝豈不是教衆之本。此處書脉。却不重教。只重本。孝兼敬說。至其行事可見處。如上亨孰等。只謂之曰養。養亦孝所不廢。但要敬以行之。故下遂速云。養可能也云云。卒字卽父母旣沒四句。至于能終。方叫做行。父母之遺體。仁者以下。又極言君子之所以慎行其身處。不過仁禮義信強盡之。總是處處體貼這箇孝字。件件完全這箇孝字。則孝豈不是教衆之本。樂刑俱在心。

上看。

曾子曰夫

節

此極言以中結衆之本。教曰孝一句。意橫四海。言其大莫能載也。推而放四句。言其此心此理同也。通節俱就孝道自然能如此。上看。不涉人身上的作用也。

曾子曰樹

節

又中結仁者仁此者也。引聖言爲証。

孝有三小

節

此節書儘有妙義。可惜爲傳註硬加一快在眼中。都被抹煞。

小孝中孝大孝。正從用力用勞不匱看出。自有等差。何必添出天子庶人等。只說慈愛其親而忘已之服勞奉養。便只以手足奔走爲左右就養的。豈不是小孝。何必指定躬耕尊仁安義則行一不義殺一不辜的事。自然無有仁義之所及者。豈不是功勞及物。尚未說得包含偏覆。故曰中孝至博施備物。則有乾父坤母民胞物與之分量。猶西銘所謂天地變化而草木蕃也。此何莫非事親之愛敬。其愛不敢惡于人。其敬不敢慢于人。正孝子不匱。永錫爾類之謂也。豈不是大孝。若必一一執定。天子庶人。豈無天子而不能博施備物者耶。

又豈無諸侯卿大夫而不能尊仁安義者耶。且備物指定助祭更可笑。孟子萬物皆備于我。豈皆來助祭之謂乎。大爲悖謬。仁者之粟甚妙。如那有逆穀。那無道。穀。父不父子。不子。雖有粟。皆非仁。

樂正子春

節

真仁人孝子之言。通節俱是一箇不虧其體。不辱其親二句。意看他只以傷足一事。直說到全歸上。踐形盡性何等工夫。曾子曰。啓予足。啓予手。而今而後。吾知免夫。可謂全歸。然戰戰兢兢。如臨深淵。如履薄冰。此曾子一生得力處。樂正子春

乃其門人而能作是言不惟曾子之孝處處體貼而門人之學亦可謂亦步亦趨矣爲人子者讀之悚然

昔者有虞

節

貴富者制產薄歛貴民之富也全重尚齒先以所貴形之人道親親長長盡之除却親親便是長長了故曰久然未有不孝而能弟弟亦孝之推也故下只以弟言

是故朝廷

節

達乎朝廷不以勢分尊嚴之地而有所驕亢也

行肩而不

節

達乎道路不以奔走往來之頃而有所忽畧也

居卿以齒

節

達乎州巷不以聚廬託處之衆而有所傾軋也

古之道五

節

達乎狹狩不以鹽刊貪得之場而有所爭奪也

軍旅什伍

節

達乎軍旅不以殺伐戰鬪之事而有所暴橫也

孝弟發諸

節

總結上文上文止言弟此曰孝弟正見弟推本于孝也行至

放修俱從發字看出。如機發弩張而迅速莫禦。以其本于中心根于天性也。死字活看。行至放修。摘訓好。

祀乎明堂

節

五所以字。是行禮示教之意。此五者所以激發人心。扶植綱常。故曰大教。重諸侯上。法行自貴。禮行自上也。諸侯化而風俗美。其感人更易耳。非自諸侯止也。

食三老五

節

此言大學爲立教之本。爲示教之地。觀養老一事。而鄉里觀感成化。可見齒讓之風。大學爲首善之地也。

君子設四

節

惟大學齒讓所關甚大。雖太子亦必身體而力行之。

天子巡守

節

諸侯待于竟而必先見百年可見其爲尚齒也。言政選着老者說。蓋老者閱歷世故。或欲陳民間疾苦者。東行以下車。指八十九十者。此行路之老。卽相見于途。若言政則就其家。道路倉卒。未得盡其所言也。亦見尚齒意。

壹命齒于

節

七十以下。正解弗敢先之。故在朝如此。况私所乎。若猶如此。

况宗族乎。亦總見尚齒之意。

天子有善

節

薦不是薦舉之薦。如薦其馨香之薦同。要看得與上讓字歸字合。自有自尊。是逆。不自有不自尊。便是順。

昔者聖人

節

此舉卜易以見聖人不自尊之意。便見聖人順處。建者以五心之易與造化之易相參。有建之而不恃意。所謂處存玩樂也。善則以下。卽以卜易吉凶言之。教亦作示字意看。非教人也。賢就臣說。

孝子將祭

節

此又總篇首數節而申結之。以見孝子之心無一息不在於親。故反覆形容之。如字然字。存言不能盡意。是故以下又總結本節。結諸心三句。又總收拾慈善三句。而結煞之。不必分貼。不違亦以平日言。蓋孝子平日不違身。不違心。不違親。則無時無處而非思親見親之念。至將祭正祭之日。不過以結諸心者。形諸色。而每事思省之耳。

建國之神

節

無宗廟社稷。則無國矣。建宇內有事。親享親意。

祭統

凡治人之

節

心怵而奉之以禮。這便是祭之義。惟賢者方能盡耳。

賢者之祭

節

此正見惟賢者能盡祭之義。必受其福。方爲能盡耳。如此之謂備。以上總是一句句相起相生。說下反覆推明福者備也之意。曰百順無所不順。卽下文上則順于鬼神三句。又說內盡于已。二句者。言無所不順。不是外面周旋。不在虛文鋪設。必內盡于已。而心無不專致。外順于道。而事無不合宜。方能

無所不順。豈惟賢者之祭爲然。忠臣孝子。內盡于已。而外順于道。其根本都一樣如此。由是而以之祭神。上則順于鬼神。以之事君。外則順于君長。云云。這便是無所不順。便可謂百順。故謂之備。備則無不受其福。信非賢者不能也。唯賢者二句。已結煞賢者之祭也。必受二句。是故以下又重言以申明賢者之祭。但求其備。初非有受福之心。致其誠信二句。正是內盡于已。奉之以物五句。正是外順于道。但上文說得稍寬。尚虛看此。則專指祭之一事而言也。

祭者所以

節

孝而何以繼言也。蓋孝之心原自深藏篤厚。孺慕一念凝聚而不可解。大孝終身純常而無或間。原是斷不得的。故曰畜此畜之一念。爲人子當行之道。合敬養敬享而不違身。不違心。便是順于道。又父子天叙之倫。苟以事生事死二其心。則爲倍本。爲忘親。便是逆于倫。順而不逆。是真凝聚而不可解。純常而無或間。故謂之畜也。識畜字之義。則追養繼孝自不容已矣。往說此節都情懂。

是故孝子

節

此節正順于道。不逆于倫。是之謂畜。訛疏也。自生至沒。與喪

祭其敬其哀其敬而時。道乎非道乎。倫乎非倫乎。順乎不順乎。逆乎不逆乎。書旨原自了了。人都看不出耳。

既內自盡

節

夫婦親之一句是主。子曰本者有助斯可備官備具也。下面親耕親蠶散齊致齋交禘交祫。皆夫婦親之也。畢竟說到內則盡志。可見盡物不專在文其上。

是故天子

節

要看身致二字。誠信就是盡。盡就是敬。四五語方疊下。記者極言以形容其心耳。

及時將祭

節

反覆轉折只解一箇齊字防其邪物二句是快耳不聽樂特
舉一事以明之心不苟慮四句方說出防訖着落不依于道
依于禮將如何以防訖之耶舊分貼不定此只渾淪看分不
的內外依于道依于禮便是精明之德散齊二句正所以專
致此精明之德定之一句不閑是解先散後致之故不定則
不齊也精明之至正應專致唯其專致所以已精益求精已明
益明然後可以交神君子之齊豈易言哉

是故先期

節

此之謂夫婦親之一句總結。正應上必夫婦親之。耕蠶是求祭而夫婦親。散齊致齊是將祭而夫婦親。會于太廟以下是正祭而夫婦親。此物之所由以備也。安得不行昏禮以外求助哉。

及入舞君

節

君流舞位以樂皇尸。亦是親之心。事與天下樂之者。聲四表之歡心。以致其如蒸之忱也。又不止備官備物矣。

夫祭有三

節

以增君子之志者。志重而假于外者。亦若增益之而重也。何

爲志重。卽身自盡也。身自盡全從上文必親之內看出。道之以禮。卽升歌裸獻之時。而周旋進退各中其節也。通節文法錯綜。只明志重爲本。

夫祭有餽

節

末卽終字。不可不知。內便有當善終如始意。尸亦餽亦字。要看出。君臣等上下必偏貴賤不遺。豈非行惠之法。以之爲政。其均平遍滿亦當如是。惠從餽中看出。政從惠中看出。

是故尸設

節

此節正實舉餽之事。以明其爲惠術。每變以衆正。是術處曰

興施惠之象者。這未便當作施惠而施惠之象。則已興起肇
端于此。四簋黍二句。正解其何以爲興施惠之象。蓋黍才四
簋耳。而君臣貴賤上下無不徧及。此修舉于廟中者。其所可
見者也。觀廟中而竟內自可知矣。地有廣狹。人有多寡。其規
橫大槩已明明呈象于此。此處且虛說。下節方是觀政。白文
無政字。

祭者澤之

節

此節才是明說。可以觀政。故以故曰二字結。從上文廟中者
竟內之象說來。可見祭不是私恩小惠。豈不是澤之大。是故

以下遂推廣言之。何以待于下。知必將至也。何以知必將至。由餽見之也。夫祭以下。又說不特爲澤之大。又爲教之本。備不徒備。曰順以備。則順之一字。教忠教孝全在于此。卽盡道端義亦在其中。至服從順孝。正以順致順也。曰明君從事。便是盡道端義的人。此已見其爲本了。以其爲事物當然之理。自道以其行之而無往不宜。曰義其實不外忠孝。盡之這便是以身爲教。迷極自上也。

是故君子

節

此承上盡道端義而後教生。可見君子之教有禮也。而後求

諸人無諸已而後非諸人。只要引起此二語。故以事君數句例言之。非諸人行諸已。便是不能盡道。端義便是不順。其本正是先要盡道。端義順則無所不順。故曰至末句照應。夫祭之爲物四句而總結之。

夫祭有十

節

倫者祭中之義。各有次序條理。故曰倫。非指君臣父子說道。義倫等。各就鬼神君臣上理會。此節精神全在十箇是字。猶言就在這裡頭看出來。其數可陳。其義可知也。

鋪筵設同

節

見神無形而依于有形無方而求之有方故曰交。

君迎牲而

節

嫌字從下兩疑字看出只重君臣不重父子。

夫祭之道

節

而事之三字不是事子行爲尸以象神而北面以事此止子事父之當然也故曰所以明。

尸飲五君

節

重爵不重齒以獻之序言尊者先而卑者後以獻之爵言尊者重而卑者輕君必獻臣者以賓禮隆助祭之心也。

夫祭有昭

節

昭穆的當就神主說下面昭與昭齒等方說生者非有事于太廟則不得成在正是緜處

古者明君

節

爵祿先祖所遺故必受命于祖施于何人故亦其及受命者而亦歸告其祖考之禮也

君卷冕立

節

立既異其地而執又異其物非但與執醴相授為然夫婦相授受亦不襲其執器之處非但與尸相酌為然夫婦自相酢

亦必易其所酌之醑。非明別而何。

凡爲俎者

節

不均也。以上俱就俎說。惠均句。亦言施惠之禮。既均舉于廟中。施惠之政。必流行于竟內。事成就。百姓無俯仰衣食之憾。言功立就人。若享阜成殷富之休言。俎所以明惠之必均。正功之所以立處。此以祭後頒俎言。與餼餘不同。

凡賜爵昭

節

同姓異姓皆有長幼。序字從三齒字看出。

夫祭有界

節

有德卽明與仁。此三句不妨寬說。些下曰明君在上卽足。以
足。以與的。無凍餒不必說到制田里等。蓋君旣仁明則與
民情意關切。血脉流通。必不忍瘠人以肥己。必不至損下以
益上。又何凍餒之有。此卽已看出際字意。際者交接也。上下
分不相接。而情常相接。易曰。天道下濟而光明。地道卑而上
行。此際之說也。董子曰。天人和與之際。論語唐虞之際。卽此
際字。

凡祭有四

節

此舉四時之祭之名。不可下一解語。

初禘陽義

節

此因時命名之義。側注說下歸重到禘嘗上。義字與下義字不同。此淺看。

古者於禘

節

此又言禘嘗時所行之政皆不重。只要引起下節。

故曰禘嘗

節

上說莫重于禘嘗。重字從二盛字看出。此曰大者。又見禘嘗之義精微深遠。非徒一報本反始而已也。治國之本。且下兩段不可不知處。就有明其義意。君人不全。卽何以爲民父母。

義者禘嘗之義也。有怵惕悽愴之志而不及時舉行。此志終抑鬱而不遂。何克有濟。志以念頭初發。言德則仁孝之根。于天性者是志所從出也。曰發則山內達外。無不章著矣。盛以純篤言。卽緝熙敬止意。厚以真切懇到言。不徒一時之感動也。章以禮儀明備言。不徒虛文之修飾也。此已有祭敬意在。至竟內子孫莫敢不敬。斯興仁興孝。于治國乎。何在必身親者。正惟君能明其義故耳。疑則不能明可知。何以爲民父母。如治國何。故曰治國之本不可不知。

夫鼎有銘

節

自名二字。便是盡銘之義。下須要包得通章意思。如下論誤。明見仁與知利。俱從此二字發揮。此處且宜虛虛說。只重自字。自名以稱二句。便撮畧其大旨。而提挈領起二節三節。方詳盡其意。唯賢者卽下明是見三句。

銘者論誤

節

此正自名以稱揚其先祖之美。而明著之後世之實。自成其行。就是身比焉。謂以己名附于祭器。而次之先祖之下。顯揚三句。卽在上文看出。孝謂繼述。不忘順。謂尊卑有序。明示後世子孫。使效法祖宗之德善。這便是教。

夫銘者壹

節

卽承上說來。顯揚是上得身。比明示是下得。此節只重孫子。觀于銘而美之之意。何以美其所爲。取益善在先祖。而吾弗知。則耳目之睹記。謂何其所蔽者大矣。故足見觀明。又有明知其善。而後嗣弗類。令名終弗歸焉。則家聲之隕。實由不仁。故足與觀仁。或見之與之。而識力有未到。不能論譔。斟酌則欲揚其美。反著其惡。使先祖未受美名之利。而先被惡名之害。皆由于不智。故足利觀智。勿伐卽從。上身比看出。此意都是上文有了的。此處要見得君子觀而美之如此。

故衛孔悝

四節

故衛孔悝四節自六月丁亥至烝葵梟通是銘詞首言莊叔之美次言成叔之美三言文叔之美公曰二句是君勉孔悝之詞悝拜三句悝悝承恭命之詞銘詞中觀其曰乃祖乃考則稱揚先祖可見矣觀其曰拜稽首則自成其名可見矣觀其曰施于烝葵梟則明著之後世可見矣

古之君子

節

此反言以總結上數節由孔悝之銘觀之可見銘者古之君子論謨云云論謨先祖之美是所稱者善也于三者之恥是

所爲者善。可見銘者一稱。而上下皆得。銘非自名而何其。

昔者周公

節

此言周公之勲勞。比慳不同。而禮樂之賜。又與銘不同。而終

於人。終也。

經解

孔子曰入

節

入其國內有采風其俗意教指上人司風教者說其爲人也。是國中土俗人情觀感而成化。是這等樣的一箇景象。卽民之德可以知君之教。上段且勿說得十分好了。下面還有失一邊。詩書等教原無有失。只因國人氣稟所拘。習俗所囿。未嘗深有所得。平曰深于詩等內有契以精神。敦以實踐。意然亦由上人教之深。故國人亦造之深也。

天子者與

節

與天地參句提起。兼利正是配。明照正是並。惟天子德配天地。明並日月。則當隨處而審其溼養之功。道是講論。然亦有率循但未做到事上去。如聽是耳。也要向身心上體貼。序者仁聖禮義各有自然之序也。自朝廷至進退存一步審一步。意德盛養純。自然官事各得其理。萬物尚有不兼利。微小尚有或遺照者耶。

發號出令

節

和仁信義。卽就上發號等看出。不可講深了。觀下器字。是在用上說治民之意。還在義與信和與仁先一層。器如利用備。

器之器無其器者言無有事物條件以作用出來。便是無有把柄了。不成者不成霸王也。

禮之於正

節

下段解上段。衡繩墨規矩比。禮說輕重曲直方員比。正國說註都以輕重曲直在禮上取義。是何解也。蓋國而曰正。則必均齊方正。而人情煩雜不一其端。事變紛錯不齊其形。猶輕重曲直方員。必待衡與繩墨規矩而後截然畫一。故不曰治國而曰正國。姦詐卽國中輕重等之不得其平。不得其情。而邪淫暴亂以愆吾法者。

是故隆禮

節

此言姦詐非他。卽不隆禮不出禮之人也。是故隆禮由禮云云。隆者。恭奉尊崇之心。出者。身體力行之實。禮者。何不過敬讓盡之。故以此敬讓而奉宗廟云云。夫敬讓無往而不宜。其安上治民之善物也。不觀孔子曰云云。然則禮可一日而不隆不由也哉。信乎禮之于正國也。猶衡之于云云。

故朝覲之

節

上文以奉宗廟等指敬讓。就禮上說此。却承安上治民莫善于禮來。就先王制禮上說。曰所以者。先王制禮之深義也。此

內已有隆意。亂卽下面淫僻爭鬪等。亂所由生卽下面未形禮制于先王而傳之天下後世非一朝一夕之故。故曰舊禮。故婚姻之節。

此便以舊禮爲無所用而去之者。必有亂患之謂也。故禮之以下總承止邪于未形。正是微處。使人遷善不自知。亦是微善。卽上恩義尊敬序別罪卽淫僻爭鬪等。先王隆之。是立隆以爲民極。正與前隆禮應引易始字卽未形卽上所由生。禁亂止邪正是慎。信乎禮之教化也微矣。

哀公

哀公問於

節

哀公求之于言。孔子引之以行。所以後而不曰言禮而曰行禮。曰用民。小人之對不敢以君子自居也。

孔子曰丘

節

曰丘聞之。孔子不居言禮之名也。曰所由生則無禮無生矣。非禮四句。正詳言之。君子以此之爲尊敬然。口語婉切。真對君之體重之。以然者謙而不敢。且言疑而未可決。言之意猶言像是這等樣也。

然後以其

節

其字着眼。分明指君子說。君子既尊敬乎禮。必有以自淑其身心。而禮無不能矣。然後以之教百姓。亦欲其尊而敬之。因時舉事。不廢其行禮之會節。

有成事然

節

既不廢則禮教修明。民可興行。這便是有成事。然無器服以承其傳。成于一時。安知不廢于他日。于是又治其雕鏤云云。

其順之然

節

其字亦即指百姓說。言依據遵守。奉行不違。不以上之制作

爲強世也。卽頂會節器服兩事。然後以下。又躬行以率之言。喪筭六句。嚴于事神。盡行禮之實。卽安七句。薄于奉已。端行禮之本。曰君子之行禮如此。豈特言禮尊敬而已。耶。要知上文尊敬已有行的意在。

公曰今之

節

荒怠句解淫德。困民句解好實。午其衆句又解荒怠。求得二句又解困民。又須知淫德則與敬其喪祭者異。好實則與薄于奉已者異。曰莫爲禮者言成節禮不徒也。卽論語如禮何意。

孔子侍坐

節

自此至篇末。哀公凡十問。獨已重一問是疑。其九問每進而
意愈切。有匪窮到底之意。雖夫子善于引君。亦見哀公識力
不是資質庸下之君。惜不能身體而力行耳。人道者治人之
道也。彝倫攸斁。百姓不德。只爲無人道。故夫子率之。

公曰敢問

節

首問何謂爲政。止要解政字。再問爲政如之何。便思並體貼
爲字。君爲政內全是正的意思。重君字。君之所爲全是正。以爲貴
備君的意思。重爲字。哀公見到此。故有爲政如何之問。三者正

正是爲處。曰所以行三言之道。則有意擔當這條担子。與從前做將去。此亦是哀公一段英敏處。

孔子對曰

節

文字反覆轉折。只歸結在愛與敬。其政之本與一句。上三者正首言夫婦別。故卽從大昏說起。詩首關雎。子謂伯魚。女爲周南召南。總是一意。蓋以夫婦人倫之始。閨門萬化之原。不徒以哀公年方四十。大昏未成而告之也。典故爲親。正見親全在于敬也。無以致其敬。則無以致其親。可見親重于愛。而實貴于敬。補出弗敬不正一句。可見三者正亦止是愛與敬。

政者正也。亦外不了愛與敬。故曰政之本。則所以行三言之道。卽在是矣。

公曰寡人

節

願有言而曰然者。謙遜不敢直言之意。恐其言之或未當也。說到先聖。又說到天地宗廟社稷。只是要見得重意。出曰。請少進。哀公到此。便無逡巡退却之心。從此奮發有爲。未可知也。故孔子下面步步俱是引進他。

孔子曰天

節

比之天地萬物。又推至宗廟朝廷等句。句句要見進他的意。此

節都是進一步說話。內以治天下。全重后夫人助君說。朝祭兼行。幽明兩得。則大綱既正。庶物從之。由是物恥足以振云。云兩恥字。正。孔子竦動哀公。使反其羞惡之良心也。禮卽指昏禮。又曰政之本者。亦所以明重也。

孔子遂言

節

曰孔子遂言者。哀公到此似不能再問。故孔子又復大暢其說也。從三代明王說起。亦見進的意。三箇敢不敬。敢妙。哀公不巳重乎一問。巳存敬心矣。則不敬莫大乎是。故孔子句句針他。不能敬其身。至而亡。正敢不敬與之意。可見敬身爲大。

也。身與妻子。百姓皆有之。而不能敬。故立簡敬的樣子。與他
看。全在上之人。故曰。百姓之象也。身以及身三句。方實指上
人作象于下說。三及字。正君行此三者處。慎字。從心。從氣。有
志氣。克。寒。無間意。太王愛厥妃。是敬其妻。至內無怨女。外無
曠夫。是及人之妻。卽敬妻而敬身。敬子可知。上言三代明王。
此舉太王以証之。國家順就。從象說。只百姓各敬其身與妻
子。盡之。上面物恥振。國恥興。三綱正。庶物從。總是順處。觀後
來。哀公立公子。荆之母爲夫人。而以荆爲太子。則敬妻敬子
之言。孔子豈無所見。而云然耶。

公曰敢問

節

敬身一問。哀公到此，稍知痛癢。身不出言，動言動二過。本不可以作辭，作則而民猶以爲辭。與則君子安得不謹言慎行。使百姓自效其敬，恭取說敬身。又說成親，可見身也者，親之枝也。敢不敬與。

公曰敢問

節

成親一問。哀公亦知身非我有矣。身非君子，何以使親有君子之名。說到此，成親仍歸本于敬身也。前面云愛與敬，其政之本與敬是。哀公問過的，然未曾問及于愛也。故又以遂言

發端以見敬身又當愛人亦發明上又古之為政愛人為大之意曰不能有其身則不為百姓所敬恭可知說到安土樂天把身字看的何等精微廣大豈血肉之軀而已哉此俱是進他處

公曰敢問

節

成身一問哀公亦思想到全而生之全而歸之物與身俱來所謂形色天性也有物則有身無物則無身不過即上言動不過只要在自已當身止于至善便完全無有虧欠豈復身外可以成身者耶

公曰敢問

節

哀公初問人道。及聞夫子不能樂天不能成其身。故又問君子何貴乎天道。孔子以爲不過乎物的工夫。做到緝熙敬止。純亦不已。地位則如天道之不已。不閉無爲而成。而明豈不可貴。要知不閉比不已進一步。而明比物成又進一步。此亦見孔子進哀公處。

公曰寡人

二節

上面說寡人無似。說寡人固猶是皮面語。此曰蠢愚冥頑。一聞天道之對入于微。不免疑爲高遠。遂說出什家一段聽。

明力量不足處。恐知識未透。承當不來。辭愈卑屈。心愈謙下。故孔子前只愀然作色以悚其聽。此却蹴然避席以致其恭。蓋不敢當哀公之願安承教也。兩不過乎物者。言成身者不過成其爲仁人孝子耳。仍一不過乎物。盡之非有甚高難行之事也。事親兩句正。不過乎物處。事親如天。愛中有敬。事天如親。敬中有愛。兩事字皆在繼志述事完體。此在孝道。理上說。夫愛敬兼盡。仁孝不過吾身當盡物理。無一欠缺。則踐形盡性體受歸全。豈不是成身。公亦自成其身耳。已後罪一言不止懺悔。旣往欲以德劓將來。孔子曰。臣之福。又不止百姓。

之德夫。要知此篇問答亦見一時君臣遇合之盛。惜乎哀公能言而不能行也。

仲尼燕居

仲尼燕居

節

禮字。卽有下面中的意。亦卽有下面仁的意。周流無不徧。雖說禮之用。無往不宜。然這便是立環中以應無窮。這便是太元氣周流不息。此內已有中與仁的意思在也。如不中禮。兩之野等。便非周流無不徧之本體矣。又曰子曰者。說了再說。以致反覆丁寧之意。人心原止有慈仁。一入于給。則貌不由衷。言不根心。而天理反爲之退聽。豈不是奪。

子曰師爾

節

師在坐故曰爾。師商一過一不及。子產有過有不及。舉此三人。只要誠。值過不及的。榜樣。何以爲此中者。言善學者。何以變化氣質。善治者。何以補偏救弊。而使無過不及也。禮乎二字。已對他說。怕他不信。故又重言以決之。是恐子貢信不及。非夫子自爲疑詞也。曰制中者。天然自有之節制。大中至正。賢者不得不俯而就。不肖者。不得不企而及也。

子貢退言 節

言游一問亦從制中悟出來的。領惡全好。是就禮之用說。又曰然則何如者。問何以便能領惡全好也。夫子說出一箇仁。

字來見得制度之周詳儀文之明備總是一團真心篤至慈
祥肫懇愛敬根于天性和睦發于由衷無往而非精神元氣
所貫徹處處皆是天理發見以流行故曰所以仁禮既本于
仁尚有不領惡而全好者乎

子曰明乎

節

明乎內有仁字意無不明則無不仁矣連下二節以之得其
字面俱從明乎二字養脉發機觀後而治國而無禮譬猶瞽
之無相云云則此處卽能以禮讓爲國乎何有之意也還是
明且易真切

是故以之

節

此下兩節正見治國如指諸掌何爲有禮雖不外乎制度文爲然却要理會他一段真心實意所貫徹天理之節文皆仁心之流露也觀後面曰君子知仁可見禮不是器數上求的且上文所以仁三字節節都該回顧都該體認

是故宮室

節

是故承上有禮來五者所該未盡又自宮室說到政事又恐未盡故總以加身錯前比衆之動以該之只是極言禮之周流無不備也

子曰禮者

節

卽事之治。又說禮極妙。言就一事而合乎天理之節文。當乎人事之儀則。這便是禮。不是餘外。又有箇禮。把來強世也。曰。有其事必有其治者。正言治不在事外也。曰。何之。則不如指諸掌矣。曰。何見。則不能明乎其義矣。至手足無所錯。這便是自家不能領惡。全好。與禮之所以仁者。絕不相干。何以使之周流無不徧也。是故以之居處云云。曰。無以祖洽于衆。其何能國乎。

子曰慎聽

節

曰慎聽之者。蓋以禮文之繁雜。未必語之而不惰也。知此知字。卽上明乎卽下知仁事之聖人。已者。體備制作之精意。躬行和敬之實理。則可以考諸先王而不謬。以俟後聖而不惑。如此而後君子知仁者。不有儀節之稠疊。度數之明備。而主賓藹然。肅雍之至意。和敬之真心。何以流通于交際。醇酢之間。此一句是欲三子因文而反本。由粗而識精也。新裁云仁字。卽下情德事也。亦自快。無物不在禮。亦卽總承相見以下說。言無一事而不在節文和敬之中也。以禮樂相示示字。緊接上三示字來。唯其相示。故可以知仁。揖讓入門。至備其百

官九句是有九焉。行中規還中矩是一事。此四句是大饗有四焉。後面入門而金作三段。是又就九者之中抽出三事。以見如此而後君子知仁之意。註中添入升歌清廟一節。真蛇而足。然則升堂而樂闋。卽歌清廟之樂闋也。

子曰禮也

節

首二句一直解言禮只是箇理。樂只是箇節。理與節皆在吾心。此心有理有節。動作卽是禮樂。曰無理不動。無節不作。只是無時無處不體。驗此禮樂也。禮樂原是一箇。故下只說于禮。繆于禮。素于禮。虛曰繆。曰素。曰虛。則不得其理。不得其節。

可知此君子所以無理不動無節不作也。又要知能詩三句是君子無禮二句的工夫。

子曰制度

節

三在字相呼應。行之在人者。達于禮樂之原而不拘于制度。文爲之末也。易曰神而明之存乎其人。論語曰人能弘道非能弘人是也。子貢一問從上不能樂于禮。素生來數達字從窮字生來。夔爲典樂之官。一似達于樂而不達于禮。再言古之人也。見不可遂以夔爲窮也。

子張問政

節

前論禮樂詳矣。曰明乎郊社之禮。禘嘗之義。治國其如指諸掌而已乎。又曰。治國而無禮云云。則不但專言禮樂。并禮樂之所以通于政。亦既無不明示矣。故夫子曰。前吾語女。言前語女以禮樂。卽語女以政也。明字內有下力字意。

子張復問

節

復問者。問何以明于禮樂。舉而錯之也。夫子言禮樂不外吾身。言而履之。則禮者體也。行而樂之。則樂者樂也。這便是一。建中和之極。方此二者。言履之樂之務。做到知明守固而。以此南面而立。真舉而錯之耳。

禮之所興

節

此節又言禮樂固本于君子之躬行實體而禮制興起實不外于百姓之居處日用禮之所興興字恰妙蓋就室之有與
昨席之有上下等這便是禮教防範人情之始五則有字正
是興的意曰古之義也見得古先聖王制禮之深義不過從
此託始耳又要知道此節即禮者事之治也有其事則存其治
意

室而無與

節

此正禮之所廢衆之所亂也聖帝明王諸侯是制禮的貴賤

長幼等卽衆字莫敢相踰越可見禮之所興衆之所治也既
得聞此言指通篇之言真知禮之爲用周流而無不徧也

孔子閑居

孔子閑居

節

子夏說凱弟。夫子說禮樂之原。是要從自己心上做起。故下文曰志之所至。又曰志氣塞乎天地。又曰志氣不違。氣志既得。等。達字。原字。致字。行字。橫字。人多着眼。必達以致而行。以橫。人不能着眼。此節機神全在這幾箇虛字上。四方有敗。二句。人知其爲橫于天下。而不知必先處。正見致至行無。知處正見達原。不說到此。何以見其爲致。至行無。何以見其爲達。禮樂之原。

子夏曰民

節

五至只一禮樂盡之。自志說到哀止。比其爲至也。哀樂相生。且未說到民樂。君憂君上。還是樂以天下。憂以天下之心。循環而無端。周流而不已也。惟其相生。是故正明目不可得見。傾耳不可得聞。而如保赤子之念。洋溢寰中。不大聲以色。萬物一體之仁。翔洽宇內。卽毛猶有倫。盈天地間。皆志氣所充。塞。真所謂上天之載。無聲無臭。至矣。

子夏曰五

節

三無不在五至外。不說到無亦不見其爲至也。無聲等俱要。

在政治上看出。行字可味。又問何詩近者。子夏可與言詩。凱
第一問。原是從詩說起。夫子亦曰。志之所至。詩亦至焉。然則
欲達禮樂之原者。詩可以興矣。三引詩處。只要得一箇近的
意便了。不必膠合本解。總是說三無者。有愛民之心而無迹。
可見民受其賜而不知誰之爲也。

子夏曰言

節

言盡于此而已乎。子夏非有請益之意。乃歎美其言之無復
餘蘊也。夫子以子夏平日爲篤信謹守之人。或不能循循深
造以致其極。故又以五起進之。起者鼓舞。舞象。舞也。有使之品。

勉精進以作其商也不及之意。

子夏曰何

節

段段要得起字義是從三無中說出一段精明果銳之氣發出一種德盛化神之妙。自氣志說到日聞既起。自威儀說到就將四海。自內恕說到孔明孫子。一步深一步。一節進一節。總是着他恢獨王迹。馴致其極也。要知五起不在三無外。亦不在五至外。起字與至字大有關目。益由至說到無。是切磋琢磨之功。益精而益密。由無又說到起。是美大聖神之效。比新而不窮。然却要在政治上。理會他出身加民感人動物意。

方是本章正旨。

子夏曰三

節

看何如斯可謂五字。是子夏亦知有天德便可謂王道也。奉有奉承效法之意。以勞天下者。卽所共無逸而憂勤惕厲以經營拮据天下之民物。使各得其所。各安其生。一如天地之無不覆載。日月之無不照臨也。但此處且漫露天地日月此之謂三無私。則覆載照臨不在天地日月而在三。玉兔引詩說湯降不遲四句。正見湯之奉三無私。以勞天下。蓋有驕亢怠慢之心。而無盤銘日新之意。則非奉也。亦非勞也。有急于

得天之念而遂以二其敬事之心。非奉無私也。亦非勞天下也。自帝命不違至于湯齊。以及帝命式于九圍。總見湯之無私。以勞天下。是正湯之所以與天地參者。故曰是湯之德也。

天有四時

節

兩無非教處。只要說得無私意。出氣候雖有慘舒之不同。何莫非生物之心。奮擊似有時而異用。何莫非化育之妙。曰教者。天道示人以不言之喻也。

清明在躬

節

清明四句總言無私之德之妙。湛然太虛。纖塵不染。與天地同其體。與鬼神合其撰。而虛靈感召。其應自不爽也。天降二句。誠有開必先。引詩只以天生賢佐一事為言。以見文武之維新天命。而十亂興。周者皆本于文武紆紉執競之德也。亦可見有開之必先矣。

三代之王

節

上言無私之德。其感應之通于天者。固有所必先。此言無私之德。其積累之洽于人者。亦有所必先。故曰三代之王也。必先其令聞。言其平日有無私之德。名無彰著于天下。而人悅

服王業自興前詩是証三代後詩是比例三代令附不此
三代之令聞也。而可以見三代無私之德。憐此四國。此太王
之令聞也。而可以見太王無私之德。總是三代之王必先其
令聞。意敢不承總繳。夫致五至行三無。則道兼乎父母。奉三
無私。則德參于天地。內聖外王。盡乎此矣。故曰弟子敢不承。

坊記

子言之君

節

道冒下禮刑命說夫民也閉于人而有鄙心不見其不足則各安其分各止其所自無跳越之想自無僭踰之思見以爲不足則畔援欣美由此而生驕奢縱肆由此起於是有悖逆爭鬪之心有淫佚作亂之事夫安得不設爲坊閉以止邪于未形耶坊德最難講蓋人情理微而欲危德亦有不足處著誠去僞禮之經也故禮以坊之

子云小人

節

貧富爲涉世之大端。故首坊之制。富貴三字甚好。非聖人設
爲限制。彼挾其勢利。何所不至哉。慊字是不好字。面乃充侈
盈滿之意。

貧而好樂

節

以此猶有口氣。大有感歎咨嗟之意。若口有禮以坊之。尚且
如此。無禮以坊之。又不知其何如也。逐節俱見此意。

夫禮者所

節

疑與微卽下貴賤之等之類。在等威名分上。疑如疑于君
疑于臣之類。微如繁縷之小物。陰霜之始。疑是也。民有所讓

皆知章之別之謙卑遜順而無犯上作亂之事矣。

天無二日

節

只重土無二玉一句。

君子辭貴

節

人惟有貪富貴而厭貧賤之心。則凌援怨尤無所不至。豈不是亂。與其寧使正辭不辭之意。蓋權與之無餘。不害為賢者。伐檀之素餐。君子所不為。

觴酒豆肉

節

教之以讓而民猶有犯。可見人情之難。坂所以猶犯者。以讓

在禮文而不本于己身故耳。貴人一段是推本。君子由己身以盡讓。貴賤先後亦總是不驕不爭的意。不必蛇足。

利祿先死

節

死亡易至。遺忘先死先亡最能惻然感動人。此先王激勸忠義之微權。不止酬德報功之大典。

有國家者

節

興讓者。知不足在己。勸勉以求企及于人。興藝者。慕致治之良才。而奮發以存爲。約言者。不空以才德許人。稱人之賢。則必賜祿。稱人之能。則必賜車也。先言者。口惠而實不至。何以

感人

上酌民言

節

酌在自已心上。酌量全要得民與天相關切。竒方說得天上施意透信讓。正是酌民言處。報禮重。正是天上施處。

善則稱人

節

善則稱己。人必與我爭善。過則稱人人。又與我爭過。我有善則人無善。將愧而怨生。我無過則人有過。又怒而怨起。其初則長短相形而成爭。其究則美惡不勝而成怨。怨比爭又深些。

善則稱人

節

既不爭自無怨。稱人而人亦不敢自居之。以爲美。稱己而人且願與之分其咎。惟有謙卑遜順。大家互相勸勉于善而已。

善則稱過

節

此讓道一行。以之事君則爲忠臣。而嘉謀嘉猷。惟我君之德。善則稱親。

節

以之事親則爲孝子。而有罪無罪。惟予小子無良。觀斃民宰。俱就主。持世教。轉移風化者說。

君子弛其

節

弛有克。蓋前愆。愆敬有繼。述不息意。

從命不忿

節

三開看亦得。

睦於父母

節

此正所謂其愛不敢惡于人。其敬不敢慢于人也。

於父之執

節

廣孝處全是一箇敬。

父母在不

節

言慈之心。知有子而不知有親。這便是厚薄根子。戲如老萊

子斑衣娛戲是也。以厚于慈來形出薄于孝。正痛切感動人處。所謂養子方知父母心也。民猶薄于孝而厚于慈。所謂天下有食父母之梟獍而無殺子之虎狼是。

長民者朝

節

作孝以事生言。追孝以事死言。不存尸與主。雖欲事其親而無由。有事有字。從上二有字來。不修不敬。雖有事親之心而何所事之。宗廟祀事。正有事之實。

敬則用祭

節

以事神之禮尊實。此燕饗之禮。總以明其敬也。若以菲以美。

不親饋便是無禮。無禮安得爲敬耶。總以敬字貫。

七日戒三

節

二觀字從上示字教字來。

賓禮每進

節

卒事二字可以動人。世無窮休歇之思。可以淡人生許多不
了之念。

升自客階

節

教民示民處全在人子一點不忍死其親之心。上有出

孝以事君

節

通作世子說亦得

故天子四

節

忌親貳君總承上三節

禮之先幣

節

恭敬者幣帛之未將者也。先有恭敬之禮而後用幣帛以將之。豈不是先幣帛。此其象有先事後祿之義焉。後祿亦不是一心以得祿乃竭力從事。初不計其有祿。而祿必爲有功者得。有似于後之也。先財二句。反言以明之。

君子不盡

節

不盡利者非全不取。只常貢常賦之外不多取。恣要看以遺民以字。蓋天地生財止有此數。不在官則在民。君子不盡利而取之于已。正欲以不盡之利而留之于民也。下正不盡利之實。

夫禮坊民

節

情之蕩為淫。分之閑為別。有淫無別皆可嫌之行。而民何以為綱維防範。使不散亂也。禮以坊之。章之正使之無嫌。而綱常明。倫理正。猶衆目之有紀矣。下舉昏禮以明之。

諸侯不下

節

自取妻至此凡五節皆以色垂戒皆坊民所淫章民之別使民無嫌以爲民紀者也人之于色也甚矣先王之謹禮于微也亦至矣。

昏禮婿親

節

恐其違者只是要以順爲正耳

表記

于言之歸

節

歸乎一歎不止周流轍環之窮念冷于遇合抑且收歛退藏
 之密力還其闇淡所謂君子隱而顯者聲華銷歇而神理長
 慳韜光養晦心無獻心自耀不矜不厲不言總書出箇隱字而
 莊而威而信總書出箇顯字此等工夫為反身之樂而玉天
 下不與存焉為慎獨之學而避世不見知而不悔如此看方
 枯合歸乎二字意

君子不失

節

三足字從三不失看出玩是故二字自見敬忌二字最妙。小人之不能敬者只是箇無忌憚耳須知敬忌又是三不失的工夫。

楊襲之不

節

相因如何便相瀆可見天下淫佚作亂之事總起于因仍苟且之心蓋吾人惟因循二字最害事。先王致謹于衣服更變之間真禮之教化也微矣。

祭極敬不

節

一極字已到至處二繼字承一極字進一步說要其終也二

有字是戒辭。只要他始終是一箇敬。一箇辨耳。

君子慎以

節

禍掩恥是病。慎篤恭是藥。此君子持身之善物。亦君子涉世之良方。

君子莊敬

節

試想莊敬的一副精神。何等警敏。何等振厲。何等乾健。這便是日強了。那安肆的一副情態。何等昏惰。何等放逸。何等散慢。這便是日偷了。君子不以一日云云。正莊敬日強的工夫。亦是莊敬日強的樣子。其躬儷焉如不終日者。厭然之象也。

使其躬云云者。肝肺之見也。身心一處看。舊截分說不是。

齊戒以事

節

看恐字。民未有不敬鬼神與君者。猶恐有不敬。必齊戒云云。

狎侮死焉

節

說出一箇死字。正凜然。孰以可畏耳。書曰。弗畏入畏。人未有不畏死者。故特爲狎侮者下一劫藥。

無辭不相

節

褻之始。生于簡慢。褻之極。流爲狎侮。有辭有禮。則情文兼盡。恭敬可將。又何至于相褻乎。看三相字。是要人人。都各自盡。

引易垂初字。則此似專就始定交者說。

子言之仁

節

表就統四端。兼萬善上看。所謂元者善之長也。制就裁割斷制。截然不可踰越上看。利就講信修睦。尚辭讓。去爭奪。人利由此而興上看。使無有報。則天下皆負義忘恩之人。而淫僻倍忘之患生。背畔侵凌之害起。何利之有。

以德報德

節

此節從上文報字說起。言天下有報之常有報之變。至于變則或過于厚。或過于薄。故安其常而民有勸有懲。因見報爲

天下之利。卽時或通其變而寧爲寬身。毋爲刑戮。亦見報爲
天下之利。引詩言必報。引書言當報。

無欲而好

節

欲畏是好惡前一念在意之初發動處。看好惡則實落用力
處也。自己者垂世立極。修道著教以無爲宗也。以民者因能
作則。牖世覺民。從他欲畏一念。指引撥轉他。俱就好仁惡不
上說。

仁有三與

節

曰未可知。以其情未必同。曰然後其仁可知。正從過中討出。

情來其功又未必同也。仁者安仁三句，正是其情處。俱就情之好邊說。知其情之所以異，則可與同功，亦無不可與同過矣。仁者右也，四句又說情與功原不相離。非情而功，何由樹立。非功而情，何以設施。仁卽情之肫懇本然者，道卽功之注厝當然者。曰人也，則情爲生身立命之原理，當在先。豈不是右曰義也，則功爲因時制宜之妙事，當在後。豈不是左。此處仁字卽作情字看。道字卽作功字看。然功同而情不能不異。同過而又不必其同功。故厚于仁三句，正見與仁同過。然後其仁可知也。厚于義三句，正見與仁同功。其仁未可知也。又

要知厚薄正可以觀過尊親正所以異情。仁右四句原情與
功之同厚仁四句推過與情之異。

道有至有

節

至義考雖有三皆爲治之道。王霸固有純駁不同。皆以開闢
起家者考。道則專爲守成之主。立一安穩法門。取以養可之
也。

子言之仁

節

仁何以有數。以其義有長短小大也。義卽仁中之義。以其月
之行事而隨事順理。因時制宜者言。發于中心。及于數世道。

便見仁之數大而長。得于率法。止于終身。這便見仁之數小而短。

仁之爲器

節

惟莫能勝。莫能致。可見仁非一端所可盡。咫尺所可量。豈不是取數多。此六句又發明上文仁有數一句。勉于仁二句是言勝與致。木易造其極。是故四句是言舉與行。亦可學而至。以義度人者。卽以長短小大之義。比絮而較量之人。亦安能箇箇任重而道遠。惟以其所能勝能致者。責成而期望之。則能者自賢于不能。人亦安可以其取數之多。而自諉于勉仁。

之難也。

中心安仁

節

安仁既不可得而勉人又胡可自己耶。引詩言舉至于莫助。何患莫能勝。行至于仰止。何患莫能致。好仁全在這舉字行字上看出。蓋卽好之辭推其好之心也。鄉道以下。正發如此二字意。總極言以形容其任重道遠。死而後已之心。人苟能如詩之好仁。亦可由勉而至于安矣。此正夫子以人望人處。

仁之難成

節

人人失其所好。是難成之故。旣失其所好。則有過必甚而失。

處常多故仁者是不失其所好。自雖或私過自是易辭何以
易辭。仁者恭儉信人也。而又行之以敬讓。則心常惺惺。念常
謙下。雖有過不甚。豈不易辭。夫敬讓以行此。何以便有過不
甚。蓋恭寡過云云。以此失之。不亦鮮乎。至于失鮮。便不是矣。
其所好。何患仁之難成也。然則欲寡過以成仁者。敬讓以行
恭儉信。自不容已矣。

仁之難成

節

此就成人之仁言。君子能之。包下文通節意。就責人之恕立
教之詳。上說既曰制行。又曰行言。使民之于仁有所遵循。持

守若設之限制者然。見之躬行實體而不徒垂訓之空言也。夫內以動其勤勉愧恥之心。又有禮信等以使之。內外交修。人已相成而民自無他岐之惑矣。成仁信非君子不能也。又要知未制行而以之愧人。是以愧之者沮之。既制行而使之自愧。是以愧之者勵之。

是故君子

節

成仁說到衣服以移之似太粗淺。不過外飾文具而已。故此又從衣服說到容顏德行。漸入漸深。一步緊一步。而體仁之功自不容已矣。下二段解上一段。恥服一段是反解。衰紵一

段是正解。又添恥無其行者，非行而德亦不謂之實也。引詩証可恥前君子字，卽仁字。君子衰經是泛指。

子言之君

節

合貴賤而爲天下，合貴賤有事于天下而爲義。徒知賤之當奔走服勞而貴者一任其般樂，忘敖義之所不敢出也。賤者固當趨事赴公，而貴者漫不思憂勤惕勵，抑亦義之所不載也。要看有事于天下不是相事。天子二句規貴之在事以明其爲義也。

子曰下之

節

仁之厚也。一句甚妙。世上福德淺薄之人。才有片善寸長。便覺眼空六合。胸高天下。後來有甚結果。不自尚其事。以下正恭儉以求役仁。信讓以求役禮處。不必零碎分貼。役者服行。體驗之謂。有一毫不恭儉不信讓。而仁禮不爲我用。無一念不恭儉不信讓。而後我爲仁禮用。此役之之說也。小心而畏義。一句又似總收拾說。正摹寫以求役仁禮的心。不合于義。便不得爲仁禮也。求以事君。求字從來。役仁二求字來。言但求盡仁禮以事君。而得君不得君。皆只如此聽天所命。初無患得患失之心也。對下舜禹看此處。明是說不敢有君民之

心但看得要虛員。不然人臣而有庇民之大德者。箇箇思量。做皇帝不成。彼阿瞞自比于周文王。已有君民之心。而幾件天命之我得矣。引詩凱弟誣仁禮。不回誣聽命有君民之大德。實就四聖身上說。見四聖仁禮兼盡。而得失兩忘。可謂仁之厚矣。講引詩一段。摘訓合貼可玩。

子曰先王

節

謚不節取。而或過其實。則名浮于行矣。身後之浮名。先王猶爲旣沒者恥之。則過情之聲聞。地下且有餘愧矣。三以求正。從君子恥中看出。過高之行。易涉浮華。處厚者。唯務敦厚篤。

實上用工夫所謂言不過辭動不過則也自卑即承處情三項來民敬尊之不求名而名自至也引后稷為証欲行之浮于名正見后稷恥處

子言之君

節

仁即下至德乃凱弟之原也其難乎者思義不必其兼盡實則民慢猛則民殘暗影強教悅安或有時而偏說教曰強悅曰安兩以字俱當着眼樂而母荒四句實指君子出身加民上說此十六字有鈎搭連環之妙樂易荒母荒便是有禮有禮似未必親親又恐不威莊威莊未必安安却又力行其孝

慈。孝。慈。怕。不。能。敬。而。又。有。敬。總。是。說。強。教。悅。安。合。併。齊。流。仁。
育。義。正。彬。錯。而。出。風。雨。露。雷。不。一。其。施。光。天。化。日。咸。若。于。性。
故。見。以。爲。樂。也。母。荒。又。復。如。是。見。以。爲。有。禮。也。而。親。又。復。好。
是。云。云。使。民。有。父。之。尊。而。愛。之。能。勿。勞。使。民。有。母。之。親。而。食。
之。又。能。教。凱。中。有。弟。弟。中。有。凱。而。民。自。以。之。爲。父。爲。母。重。可。
以。爲。上。非。至。德。必。有。所。偏。將。不。爲。尊。而。不。親。抑。且。親。而。不。尊。
何。以。爲。民。父。母。謂。之。曰。仁。豈。不。難。乎。

今父之親

節

此節大意卽四者君以正用之之謂言尊親父母有不能兼

推而至天地間。未有能兼之者。唯凱弟君子。方能兼而有之。可見君子之所謂仁者。不亦難乎。可見非至德其孰能如此。命。還就人身氣數死生上看爲切。

子曰夏道

節

夏道殷周。上半段只要句句模寫箇親字尊字。而不尊不親。意自明。不要十分說壞了。初亦何嘗有敵。只因風會日流。寢澆寢漓。世變江河。愈趨愈下。遂成極重難返之勢。各敵處雖難段段分貼。然不須理會其感應呼吸兩相應帶之意。新義云。近人而忠。夏周所同。一敵喬而野。一敵文而不慚。何也。蓋

夏之近人本乎尊命。命所制者簡。周之近人本乎尊禮。禮所制者煩。源既異。故流亦不同也。這三樣民之蔽亦大有分別。你看蠢愚喬朴之民。雖是癡呆。仍存朴實。到那動蕩好勝。就有些不安本分的意思了。然機心機事還未深。至利巧等風一熾。則雕琢元氣無餘矣。

子曰夏道

節

三簡未賣。正說夏殷周初。然全未有蔽。然而世代遷流。時移勢易。在上者不得不隨之升降。汚隆以有所補救。其間豈不免純駁其際。求備強民。而至于賞罰窮矣。殷周亦得已。而然。

哉亦時之無奈何耳。讀者當作如是觀。

虞夏之道

節

此節又承上起下。以虞夏並說者。見得夏之時。去古未遠。中
天文明之氣。運開而未甚。開殷周以後。漸至不古。風氣人文
之發越。一洩而無餘。正兒。追慕虞夏之盛處。上節許多。止一
文質盡之。

子言之曰

節

後世明指夏殷而降說。生死都無所私。只一心以為民。憐恤
二句。正子民如父母處。憐恤之愛。便是弟以悅安之。忠利之

教便是說以強教之二有字着眼有愛而又有教這便是統
中有尊尊中有親了親而尊以下五句正極言形容懽悃忠
利周流無不偏時措之咸宜註中猶元氣之運妙用無迹二
語甚快卽如上節樂而毋荒四句一樣看總是說尊親兼盡
教愛並篤環中而應無窮事異而機實合也解者都支離不
能融會其君子化之亦皆有和敬相濟剛柔各得陶鎔于強
教悅安之中觸發其懽悃忠利之心方能尊仁畏義云云也
德威惟威非尊而不親矣德明惟明非統而不尊矣虞帝真
弗可及也已

子言之事

節

何謂其言。蓋幼學壯行。經術經世。必先有成說于胸中。所謂其言也。曰資者。這便是事君的本錢。知爾何以患。所以立資之謂也。若漫無挾持。則何所憑藉。以酌主知耶。有其言以為事君之先資。庶拜官致身之時。可不負生平之期許。可使想像者。得親見也。信卽言。若不實試之。服官而經濟實學。俱為誣哄功名之捷徑矣。有責于其臣二句。正我自獻其身。以成其信處。至不誣益寡。真能獻身以成信矣。

事君大言

節

以小言受大祿則縱有所利不過小試行道之端而我先拂其富厚將無取食浮于言乎是所謂唾罵由人唾罵好官自我爲之以大言受小祿則未必有利已先不能取重于君而我猶覲顏于升平何其不自愛吾辨耶將望微而言輕何以安位而行志兩不以處要見君子重道意出言卽道也不是辭有枝葉之言。

事君不下

節

首三句畫出靖共正直四字

事君遠而

節

通節重諫。上說邇臣守和則君心有未和。邇臣當諫。宰正百官。則百官未有正宰。臣當諫。大臣慮四方。可慮之事。大臣當諫。守字甚妙。君心之私。惟一。而蠱惑憤蕩者。且百。非有以守之一。暴十寒其。如有萌焉。何哉。

事君欲諫

節

要知陳亦諫也。然諫而至于陳非事君之本心矣。故欲彼不欲此。若龍逢比干之諫。可不謂陳乎。其中有不得已者。豈二臣之所欲耶。

事君難進

節

進以禮故難退以義故易禮義中絕無奔競實緣驟蹶華騰
之思如此則官常各得仕路一清豈不有序若不得于君則
熱中昏夜乞哀以求榮蒙面入朝而不恥廟堂之上有若佛
場真所謂幾着輪贏局諸般丑淨腔非大亂之道而何又豈
知退之一字人情大休歇處亦天道大乘除處看破此關退
步卽爲進步所以急流中勇退亦英雄所難

事君三違

節

然則柳下惠三黜不去非乎此其中正可參點是我有道而
人不用違是我無道而人不容

事君慎始

節

曰終則貴賤富貧生殺之境味。問歷幾通管之已盡。無所不
可。而斷不可使爲亂。這便是精白一心以事一人。只一敬字
到底。亂如長君逢君皆是。

事君軍旅

節

不辟不辭。就是復其事。不履其事。便辟難辭。人人辟難辭。
賤則滿朝皆偷生苟免之人。貪位慕祿之輩。故曰亂也。君信
任我而我得以行其志。則持滿戒盈。常存翼翼之小心。否則
熟思審處。知危守懼。百計圖迴。鞠躬盡瘁而已。無怨望之心。

也。無論得志不得志。無論軍旅朝廷。然必終其事而後奉身以退。所謂功名立而後披髮入山。若半上落下。緝屣無期。便思脫身卸担。朝廷培養之恩。謂何真薄亦甚矣。引易見既事。又安得高尚耶。

唯天子受

節

天子一身上受天之命而下爲士所受命。一有順逆則臣以之分順逆。可不慎乎。然則君命何以順。一如天之所命者而已。天命有順無逆。

君子不以

節

辭亦可以觀人。但不可以盡人耳。行與辭皆可以揆葉言。則道其根本也。下四句解上一句。

是故君子

節

淡何以成。世情春。的淡紛華靡麗。不能浸淫。我想頭起的淡。得失榮辱不能顛倒我。人情處的淡。是非毀譽不能離開我。故曰以成。盜言孔其者。諺所謂五釜腹劍是也。其則易淡。盜則必亂。此其以壞之說也。

君子不以

節

不以口譽人。便是君子忠處。下稱人之善。則爵之。正。不以口

譽人也

口惠而實

節

諾責者始以諾而惠人及其既而不踐便是口惠而實不至此我自食其言責原在我人即責之我亦何辭已怨者人有求而不許一定怨我然反求諸已或力有所不及而不能以強副或義有所不可而不宜以濫與在我為當然雖人有所怨却非口惠而實不至終亦不為所怨矣此怨字淺故上加一箇字與其寧有是君子心中權衡審量只得如此摘訓殊覺背謬

君子不以

節

下二句解上一句。又曰情欲信者見不可自處于疎而徒借色爲迎合也。曰辭欲考者見不可徒親之以貌而爲此不相之談也。

子言之昔

節

卜筮正是事之之敬。不犯三句。又是卜筮之物不敢一句。是則卜筮之義。

大事有時

節

有時日二句。正解不犯日月。用剛二句。正不違龜筮。時日龜

筮既定。由是以其牲牲禮樂齊盛。以事乎天地神明。自然鬼神享德。祭必受福。又何害之有。無害乎鬼神。則風雨節而寒暑時。自無怨于百姓。怨如夏日暑雨。小民惟曰怨咨。冬祈寒。小民亦惟曰怨之類。註欲倒四字於下可笑。

子曰后稷

節

上三句。初無求祿之心也。而祿及子孫。正見后稷祭則受福。處祿及句。卽就武王存天下說亦是。

子曰大人

節

威敬不着人說。言龜筮之體尊嚴。而可威可敬也。惟其威敬

則用之者自不敢褻慢而不得不極其辨也。天子無筮。惟用卜。諸侯用筮。不用卜。此定制也。然天子亦有用筮時。諸侯亦有不用筮時。諸侯亦有用卜時。天子亦有用卜時。此中皆要見威敬意出方妙。

子曰君子

節

君子就事人者說用祭器句。是來則敬。禮。此天子適諸侯。大國適小國時也。不廢二句。是徑則敬。事。此朝天子朝大國時也。總是以敬事其君長。一敬所感。而上下咸孚。我爲上也。自不爲民所遺。我爲下也。自不爲上所褻。可見敬人者人恒敬。

緇衣

子言之曰

節

易知承易事來。刑不煩。又承易知來。要看一煩字。

子曰好賢

節

兩如處。只一誠字。盡之辭。不能不用。故但曰不瀆。刑或可以無用。故直曰不試。引詩儀刑証兩如字。文王証緇衣等。作乎証作愿等。註大非。

子曰夫民

節

子愛信結恭泄。正見教德齊禮處。親之不信。遜心正見存格。

心處。甫刑一設。見人君用刑之失。又不止。民有遷心而已也。

子曰下之

節

上好是物。二句正見從其所行。是民之表也。又原不可不慎之故。卽在上好是物。下必有甚上見之。曰表者。有表率表正之意。是民所視以爲則。趨以爲的者。不可說正亦正。偏亦偏。至偏則亦不謂之表矣。

子曰禹立

節

立有立極樹表。帥天下以仁意。遂者百姓不仁。卽不能自遂其生也。豈必盡仁句。是自禹推之。見人君當以仁率先天下。

三引詩書總見君仁莫不仁。又要知禹承堯舜之後。體如天好生之德。以仁天下。故百姓易遊唐虞之天。若王者易姓受命。承亂世之後。則又必世而後仁。

子曰上好

節

章志貞教尊仁。以子愛百姓。正上好仁。處民致行。已以說其上。正爲仁。箠先人處。章志尊仁于心。貞教尊仁于身。子愛非姑息說上。亦豈將順耶。須知民亦皆以身心從事于仁矣。

子曰王言

節

如絲四句。極言由微而大之意。其機甚捷。其勢甚鉅。還說不

到禍福利害上。可言也。四句。正是不倡游言。若游言一倡。其出又當何如耶。故大人云云。君子弗言弗行。便是言有物而行有格。民不危言危行。亦化之而作辭。作則無復過高失中者矣。兩可不可。處有斟酌。其出機互權其當否意。

子曰君子

節

君子言行不可苟。故必慮必稽。所終所蔽。還只就自己之言行說。尚未說到人上。蓋言必慮其所終。則可言不可行。君子弗言也。行必稽其所蔽。則可行不可言。君子弗行也。慮與稽。正君子自家詳審揆度。看到究竟。却是何如。而務得所以善。

其終救其敝者。而後出之爲言。見之爲行也。則民謹于言而慎于行。便是言不危行。行不危言。此亦申結上節。又要知慮終稽蔽內。已有敬的意思在。故兩引詩以証之。

子曰長民

節

齊字從不貳。有常看出。壹字又從齊字看出。夫以衣服容貌齊民。如何便民德。一蓋衣服德之章。容貌德之符。卽前容貌以文之衣服。以移之欲民之有壹也。在上爲恂慄之威儀。在下爲儼然之望畏。而民亦不貳有常也。

子曰爲上

節

要看兩箇可字、非真去望他、述他只形容君臣相與之誠處、述字對望字看淺說、上下一團誠意往來、疑惑之端、何自而開、這便見君臣一德了、引書証不疑二句、引詩証可望二句、先不忒而後相得也、

子曰有國

節

惟民生厚、原有善而無惡、章癉以明示之、則民德歸厚、自專于爲善、而不爲惡、情又何二之有、

子曰上人

節

疑與難知、俱要照下文看、疑乃上人自執狐疑、非令人可疑、

也只是糊塗猶豫好惡不明之意難知是口裏說的一樣自身又行的是一樣便難知了。章好二句正上人。不疑處何爲儀行不重辭不援其所云云要看的與責難有別此正下不難知處不惑則從違有定不勞則格心易從。

政之不行

節

政以正人教以化人。不過使人爲善去惡盡之爲善無爵祿之榮爲惡無刑罰之辱。這便有褻刑輕爵意至不足勸不足恥。政如何行教如何成。蓋爵祿刑罰乃政教之大端也。引書曰敬明乃罰則不敬不明非褻刑而何。曰播刑之不地不地

者謂不率教而後施之刑罰。刑不可以褻用。可知不字不作
衍。

大臣不親

節

大臣不見親信。則無以慮四方。百姓故不寧。所以不親之故。忠敬不足。而富貴已過。言君待之無忠誠之意。尊敬之實。而徒糜之以高爵厚祿。故耳。豈止百姓不寧。大臣不親。則不得治其所當爲之事。而左右近習結成一黨。所謂煬竈蔽明。叢神爲奸。城狐社鼠。成羣。故曰比。然則大臣可不敬而親之乎。其以何者爲民之表率乎。邇臣之寵任可不慎。顰笑可輕假。

平喜怒好惡民何所從以爲道乎。三母以俱要見君心之狀
慎處毋以遠言近不幾庇護宵壬而市重于左右近習之手
乎。非也。邇臣旣慎則無使讒譖之蔽明無致主聽之不聰又
何待遠臣拾其遺而補之闕耶。邇臣不疾者起嫉妬之心肆
反噬之毒也。往說此句都憤憤。

大人不親

節

所賢所賤指民謠不親故親失親失則茫無依歸而從違莫
定表率不端而向背無主文告之諄諄且疑而不信禁令之
申飾亦玩之若遺雖欲教之不煩不可得也。引詩詎親失。

句引書証不親一說。

小人溺於

節

下段解上段皆在所襲便。有不能慎的意。言語常難于節省。故曰口費。其用愈多。其說愈亂。故曰而煩。傷煩則傷易。故曰易出易出則馴不及舌。故曰難悔。皆就自己說。民曰閉于。人唯以欲安。欲富爲血氣心知之常。而何有于天經地義。曰有鄙心。唯以撫我虐我爲德。怨思仇之路。而何知有親上死長。可敬不可慢五字。直說得何等利害。昔麥丘邑人之祝齊桓公也。曰願主君無得罪于羣臣百姓。此可敬不可慢之說也。

堯兢兢業業只是一敬。幽厲殘賊只是一慢。慎字總承通節重
民邊。

太甲曰母

節

段段見慎的意出。若虞機三句。正是母越厥命的意。不作對
太甲自覆。先命厥躬。太甲自作。尹吉自周。皆要得自己心中
一點惕厲戒謹之意。

民以君爲

節

民以君爲心。所責望者君。君以民爲體。所倚賴者亦還歸平
君。總見君民一體關切。痾瘵靈通。不能舍民而自爲君。意心

莊四句。櫻解爲心。體全四句。櫻解爲體。詩嫉秉成。書傷怨咨。皆心不能自恤其體故也。

下之事上

節

事君不外言行言不信則不能順正以行其義故不一身不正則不能比類以成其行故無類物卽信也有物則義一格卽正也有格則行類志者言行所自出名者言行所自成此二句言有物有格生死不變要知不正一段是反說有物一段是正說故君子三句是又言其功見有物有格不可以耽聞寡識粗心浮氣去做多聞多志是一層工夫質而守之是

一層工夫精知從二質字來。既博收于己。又詳訂于人。知無不精矣。又畧而行之。啓者約也。王道妙于易簡。凡言行之盡善歸一處。便是。卽上義一行類之謂。行之內有生死不可奪意。引書証質而守。一引詩証義。二句。

唯君子能

節

有鄉有方。正所謂能好其正也。不惑不疑。從有鄉有方來。不特明于好正而惡邪。亦將曉然爲善而去惡矣。上爲臣說。亦通。

輕絕貧賤

節

輕重二字自妙。絕貧賤便容易丟開他。只怕展污了一般。絕富貴却十分繫戀親熱他。一似難割難捨的一樣。此自是勢利中一流人。故曰不堅不著。他心中只盤據着一箇富貴。自別有堅者。他眼中只懸掛着一箇富貴。自別有著者。安問賢與惡哉。此四句要看得圓活。貧賤也不盡都是好的。富貴也不盡都是不好的。

私惠不歸

節

君子愛人以德。曰私惠。便有不合道義處。如姑息貨取是也。君子不自留。自處以道。裁之以義也。這便是不示我周行。豈

為奸我

苟有車必

節

此總見言行有不容掩之機。苟或二字。當緩字看。只是言行甫動于此。而聞見已昭于彼。誰得而匿之。誰得而掩之。何可以不慎耶。又要知言之行之。是誠中。必聞必見。是形外。苟字作誠字不得。

言從而行

節

上節已見言行不可飾。此又進一步說言非徒言。且從而行之言。何可飾。行非徒行。且從而言之。行何可飾。君子寡言而

行便是言。從而行。行從而言。此已有相顧意。曰以成其信。則無飾言飾行矣。大美小惡。正是飾處。皆行不足而言有餘之故。今感于君子寡言而行以成其信。故不得云云。言行無飾。而民亦成其信矣。引君與言。君子成信化民。而大命亦終必集之。言行可忽乎哉。

南人有言

節

龜筮猶不能知。言無恒之人。機械無端。變詐叵測。卽鬼神亦無由定其踪跡。亦莫得揣其心術。吉凶意向漫引詩我龜既厭引書事神則難証。龜筮句引易証。況於人。可先命民立而

正事言卓然自立而後事得其正純而祭祀言心志統一不
雜而後可用以祭祀是爲不敬者言這等做去而不能敬云
云至於亂且難尚何卜筮之可爲乎故曰人不可以無恒